

三三醫書第二集第二十一種

伏瘟證治實驗談

杭州三三醫社出版

第 二 十 一 種
伏 溫 證 治 實 驗 談
提 要

本書爲蔣璧山社友惠寄新著稿本發明瘟證之由伏邪蘊蓄而成之理及其治之之法皆從實地經驗所得而成書並非憑空立論爲理想之文章故名伏瘟證治實驗談計分病原症狀診斷治療四大綱而於治療中又分初起期中汎期終後期三期以科學的方法編國醫之載籍溝通新舊融治中西允稱醫界津梁堪作後學圭臬刊行於世當必爲中西學者並重視焉

伏瘟證治實驗談序

通天地人謂之儒凡百藝術皆士君子所宜究心況疾病爲性命所寄生死攸關豈不學無術者所可從事是故不知天之道不辨地之宜不究人之情皆不可以爲醫所謂醫者固非通儒莫屬也自後世爭尙功利目醫爲小道鄙醫爲賤技而學醫者半出於無聊之徒爲謀衣食計只記藥品數味方書數卷自詡知醫競相誇耀倖中則功歸於己偶失則罪嫁於人更有忘本逐末舍近圖遠醉心歐化慕西醫以解剖爲實驗則驚爲神奇視中醫以氣化作眞詮則嗤爲陳腐問其運氣之加臨水土之異宜性情之偏畸則茫然擡舌救人者轉以殺人目擊流弊能無感喟際此醫術支離之日而欲求其貫三才之儒相與之講明醫道恆不數數觀吾友蔣君璧山積學士也舉凡堪輿星卜之書無不通曉而尤精於醫蓋其得力於家學者深矣近復涉獵西書互相印證衷中參西

多所發明臨證處方皆有法度可觀未申兩歲冬春之交伏瘟盛行死亡枕藉每見此病觸發醫者貿然施治詫爲棘手既不識其病因更何論乎治法蔣君慨然憂之以謂世之人死於疾者少而死於醫者多爰本當日得於實驗者筆之於書名曰伏瘟證治實驗談蓋欲以救醫者之失也余觀近世市舶交通種族複雜感受異氣怪病叢生病機日出不窮即治療亦雜糅不一彼泥古者墨守成規趨時者徒尙新法削足就履毀方爲圓吾未見其不立敗也蓋伏氣之病已載於醫經而伏瘟之名雖不概見其精義散見於各書非讀書得間不能鉤玄而提要今蔣君此編論受病之原因詳治法之次第亦猶葉氏論三時伏氣獨闡不傳之秘援古證今中西並貫而伏瘟治法毫無遺義予與氏曰大匠誨人必以規矩不能使人巧若蔣君者殆得其巧矣吾知是編一出其裨益於世曷有窮極自維譾陋莫測高深何敢妄贊一辭見仁見智惟格致之儒自能

神而明之余每於蕭齋岑寂一燈熒然展卷尋研追維疇昔深悔已往之多疏
用作將來之補救世之人其亦同抱此疚心否乎是爲序

民國九年歲次庚申重九後八日世愚弟翁汝梅雪畊氏拜撰

補白

學無止境醫學尤不
能窮其究竟且近世
車軌四通疾病新出
者今有而古無理雖
一致法頗萬殊非多
臨證不能有發明非
多讀書不能窮究竟

例言

一己未之冬庚申之春伏瘟症狀爲自來醫籍所未載若不原始要終發明治法異日發生同樣病態何以率循治療此不可以不記也

一內經醫理無不具備後世醫籍雖汗牛充棟然皆各就所見以立言故所見之外仍多缺略今此疫症爲自來醫籍所未載仍不出內經之範圍故此部治法悉遵內經數典不忘祖也

一此部治法悉臨診經驗所得必有確實徵信者方敢留存底稿彙集成冊所以存實驗也

一自歐風東漸好異者崇尙西術而鄙棄中醫并謂臟腑經絡之有錯五行生剋之無憑不知西人祇憑目見以有形物質爲徵信無形氣化多忽略而不講是故西人所知者俱屬形下之器若形上之道精深高遠非所知也鄙人

此部推闡病原症狀診斷治療上之學理悉本靈素聖經原有自鑿鑿可徵並與治驗上有交互之印證無虛妄之歧談潛心研究自知醫學上之價值中精密而西粗疏中高深而西卑淺也

一西醫血清之製造必待臨時而又難猝辦今春聞每人注射至愈必需銀數百兩之多價值太昂而難施於貧病如一時無覓惟有坐視其死而已若中藥則隨地可辦價又不貴且針灸一術並不須藥尤便於貧人以利便言之亦中勝於西者多矣

樣本庫

三三醫書第二集總目

11 10 9 8 7 6 5 4 3 2 1

醫脈摘要
崇實堂醫案
千里醫案
醫學課兒策
經歷雜論
痢疾明辨
伏邪新書
鬼遺方
醫醫醫
察病指南
溫證指歸

22 21 20 19 18 17 16 15 14 13 12

女科折衷纂要
延陵弟子紀要
過庭錄存
醫中一得
醫學說約
醫學妙諦
發背對口治訣論
腳氣治法總要
集驗背疽方
伏瘟證治實驗談
肯堂醫論

33 32 31 30 29 28 27 26 25 24 23

傷科方書
和緩遺風
證治心傳
金氏門診方案
長沙證彙
治痢捷要新書
素問校義
中風論
琉球問答奇病論
羊毛瘟證論
走馬急疳方



35133

伏瘟症治實驗談

三三醫書第二集第二十一種

臨海蔣樹杞璧山甫著

紹興裘吉生刊行

病原

伏瘟病原推本於時令說

己未秋冬之交自寒露至冬至三月不雨兩間燥烈之氣達於極點人身一小天地天地既燥人處其間亦未有不燥者經云秋之爲病在肺燥氣上受首先犯肺肺病不已逆傳心胞此燥氣之邪感於前伏於上焦心肺之間爲發生疫症之本因也自小寒以後至庚申春之春分三月之間恆雨恆風昕夕不休寒冽之氣逼人太甚間或雷霆大震陽氣暴泄肌腠不密感邪更易際此時間倘能慎起居時飽煖節勞作戒色慾可永保健康之福自無罹瘟疫之災一或不

慎邪必乘之此冬寒之邪感於後中於表層太陽之經爲發生疫症之續因也如其人先感秋燥之邪伏藏體內再傷於寒其病卽發此己未冬月發生疫症之原因也如其人未傷於燥而傷於寒其寒邪亦伏留而不卽發至春重感於寒其病亦卽發此庚申春月發生疫症之原因也

己未冬月病原推本於運氣說

內經丑未之歲太陰司天太陽在泉自秋分至立冬六十日是謂五之氣主氣客氣並屬陽明燥金司令陽明本燥而標陽適值天時久旱燥令太過經曰秋傷於燥冬生咳嗽此秋燥伏氣傷於肺金本臟之爲病也又自小雪至大寒六十日是爲六之氣主氣客氣並屬太陽寒水司令適值下半年在泉之氣又同爲太陽寒令太過故是年冬月天氣寒冽異常然太陽本寒而標陽又有陽明燥氣伏藏在內燥金之下火氣承之嚴寒之中伏藏火氣故是時冰雪之間雷

震大震非時不正之氣莫此爲甚凡夙有伏燥之人兼感冬寒者症見惡寒背冷頭痛項強是太陽傷寒之本病也初起嘔吐繼則發熱口渴譫語便秘是陽明伏燥之本病也衛出上焦榮出中焦衛出於肺榮通於心陽明乾涸則榮衛之源絕溫邪犯肺逆傳心胞燥氣亦然此昏厥之原因也生氣通天論曰秋傷於燥上逆而欬發爲痿厥至真要大論曰燥淫所勝木乃晚榮筋骨內變民病左肱此氣逆欬嗽筋攣骨痹及半身不遂之原因也

庚申春月病原推本於運氣說

內經寅申之歲少陽司天厥陰在泉少陽本火而標陽中見厥陰標本同氣自大寒至驚蟄六十日主氣厥陰風木司令客氣少陰君火加臨歲運主客木火同氣木從火化火氣太過至真要大論曰少陽之勝熱客於胃煩心欲嘔譫妄消灼草萎水涸六元正紀大論曰寅申之歲初之氣溫病乃起此歲氣時氣爲

本病之原因也陰陽應象大論曰重陰必陽重陽必陰冬傷於寒春必病溫去冬天氣嚴寒中人膚腠鬱久化熱消灼真陰至春重感於寒乃激之而發現此伏氣爲本病之原因也

症狀

一種肺金本臟之現症初起惡寒旋即發熱咳嗽胸悶喘急不得臥痰多噎燥咯不得出口渴不多飲食思缺乏頭部有汗大便或秘或泄狀甚危急然死者不過十之二三

一種太陽兼陽明之現症分爲二類 一類初起惡寒嘔吐旋即發熱頭痛身痛項筋強硬舌乾口渴目赤胸悶神昏譫語脊部強直不能轉側手足亂動食思缺乏大便秘結小便短少兩手脉浮部弦硬沉部濇數 一類口噤不語軀體手足不知運動或身體發熱目閉昏睡不省人事或身無寒熱目開稍知人

事但不言語或初起一二日兩手俱無脈者 此二類最爲危險死者十之七八

一種太陽陽明少陽三經合病者初起惡寒嘔吐旋即發熱項筋痙攣最甚頭部疼痛尤劇有半日或一日即昏厥而死者有昏厥復甦潦纏一二旬或一二月而仍死者有左右各半身不遂者有能食粥一二碗而軀體手足痿痹不能起立者有一二月後精神仍然呆鈍或耳聾或目盲或語言無序者此一種吾臨海流行最廣最盛亦最延長死者亦最多數

診斷

定名爲伏氣瘟症亦名瘧瘟亦名熱疫此皆就其症狀之危險名之也若質直言之實係時感傷寒引動內伏之症也或混稱爲冬溫爲春溫皆未切當

內經病機曰諸氣臍鬱皆屬於肺諸痿喘嘔皆屬於上喻嘉言以此二條明指

燥病而言生氣通天論曰秋傷於燥上逆而欬發爲痿厥燥屬金氣肺屬金臟同氣相求必從其類故燥氣爲患首先犯肺肺氣上逆則生喘欬肺氣不宜則肢體萎廢此己未冬月之病原於伏燥之氣傷及肺臟而發爲欬逆痿厥也

五常政大論曰少陽司天火氣下臨肺氣上從欬嚏鼻塞厥逆膈不通火氣下臨金從所制肺逆不降故欬嚏諸症以起此庚申春月之病原於時感風溫之邪首先犯肺而發爲咳嗽也

六微旨大論曰陽明之上燥氣治之中見太陰去秋主客與天空三氣皆燥燥氣太過故不從中見濕化而從標本陽明本燥而標陽燥陽合氣其化爲火仲景傷寒論以脾陰消燦爲脾約屬太陽陽明症以胃家實屬正陽陽明症以胃中燥煩實大便難屬少陽陽明症此己未冬月之病皆由此秋燥伏氣之爲禍也

六微旨大論曰少陽之上火氣治之中見厥陰標本同氣亦從火化傷寒論曰少陽之爲病口苦咽乾目眩也少陽經脈始從兩目銳眥上抵頸角下耳後過頰車循頸下腋至季脇故少陽經病有目赤咽乾口噤頭痛腰疼不能食諸症且春令主氣爲厥陰風木歲氣中見亦同爲厥陰風木火乘風勢厥氣上逆故氣上衝心則昏厥不省氣上衝腦則頭如裂木萎不榮則筋骨痠攣半身不遂此庚申春月之病皆由此歲時主客三氣加臨之爲患也

仲景傷寒論有太陽陽明少陽三陽合病之症爲腹滿身重難以轉側口不仁而面垢譫語遺尿如此症狀自冬及春最屬普通是皆歲氣與伏氣合併爲病之原因也

傷寒論云太陽之爲病脈浮頭項強痛而惡寒太陽經脈起於目內眥上額交巔絡腦下項挾脊抵腰中自冬及春症狀初起即惡寒頭痛如裂項筋強硬腰

脊疼重不可轉側此實太陽傷寒之症但在己未冬月爲時令傷寒在庚申春月爲伏氣傷寒病態雖同而治法微有異也

己未冬月陽明爲伏氣之病太陽爲時感之病少陽相火爲燥金復氣之病庚申春月太陽爲時感與伏氣之併病少陽爲主氣之病陽明爲太陽傳化及少陽制侮之病自冬及春三陽皆病故所患亦大率皆同也

與冬溫春溫風溫三症異同辨

經云秋傷於燥冬生欬嗽此伏燥化火肺陰受傷適遇冬失閉藏之令天氣大溫人處此陽擾之時伏邪外泄而發爲溫病名曰冬溫又云冬傷於寒春必病溫此伏寒化熱少陰受傷適值春陽上升之令天氣大泄人處此氣交之中木火內燃而發爲溫病名曰春溫故仲景所云發熱而渴不惡寒者爲溫病是也以其內已化熱故初病即渴以邪非外感故不惡寒素問云陰氣先絕陽氣獨